



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 7. Innocentius Papa a Germanis salutatur.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Secul. XII. atque Optimates quoque suos, quin &
 A.C. 1130 Judæos Summo Pontifici munera afferre
 iussit.

§. VII.

*Innocentius Papa a Germanis salu-
tatur.*

Chro. Magd. Innocentius in Germaniam ad Regem
M. S. ap. Lotharium miserat Gualterium Archi-
Mabil præf. episcopum Ravennatem, cum Legati po-
in Bern. n. 41. testate, qui Concilio sexdecim Episcopo-
 rum a Lothario Herbipoli, mense Octo-
 bri, anno millesimo centesimo trigesimo,
 convocato interfuit; in eo autem Inno-
 centius Papa a Rege Lothario omnibus-
 que præsentibus electus & confirmatus
 est. Unde Legatus Papæ ex Germania
 reversus literas attulit, in quibus a Rege
 & Episcopis totius Gentis nomine roga-
 batur, ut ad eos divertere & sua præsen-
 tia Germanos honorare dignaretur. Per
 affectum autem & devotionem Franco-
 rum non statim abire licuit, sed demum
 postquam varias Ecclesias invisisset, in
 Lotharingiam transit & Leodium perve-
 nit, ubi Franci Conventum celeberrimum
 Episcoporum & Principum, Dominica
 ante medium Quadragesimæ, vigesima
 secunda Martii, anno millesimo centesi-
 mo trigesimo primo, egerunt. Aderat
 Rex Lotharius cum Regina conjugè,
 cumque cuncti procederent ad excipien-
 dum

dum Papam, prodiit Rex pedibus in Ec- Sæcul. XII.
clesia Cathedrali, una manu tenens vir- A.C. 1130.
gam, qua populi circumfusi cuneos arce-
bat, altera frænum equi candidi, quo Pa-
pa vehebatur, equisonis vices subiens.
Tum etiam ex equo descendentem manu
sustinuit. In eodem porro Concilio Leo-
diensi Otto Episcopus Halberstadiensis,
ab Honorio Papa ante triennium deposi-
tus, rogante Rege & Proceribus restitu-
tus est.

Tunc vero Rex Lotharius, ut ipsi vi-
debatur, opportunam occasionem nactus,
instantissime a Papa petere cœpit, ut ipsi
Jus Investiendi Episcopos, quo Henricus
Imperator ejus Antecessor, ut supra me-
minimus, ægerrime cesserat, restitueret.
Expalluerunt illico his auditis Romani, *Sup. lib.*
cogitantes, se jam Leodii incidisse in ma- *LXVI. §. 5.*
jus periculum, quam quod Romæ evasis-
sent. Dum trepidant, dum quid poten-
tissimo Regi responderent, non occurrit,
Sanctus Bernardus, præsens enim erat,
generosum pectus turbidæ tempestati
objiciens, & Regem intrepide affatus,
quam intempestiva, quam a perfidia vix
satis abhorrens esset ista postulatio ex-
probravit, sicque brevi quidem sermone,
sed mira industria & auctoritate obstu-
pescenda nascens jurgium diremit.